

19  
DE S. SPIRITVS  
ADVENTV  
ORATIO

HABITA IN BASILICA S. PETRI

AD SANCTISS. D. N.

PAVLVM V.

PONT. MAX.

A DIOMEDE MONTESPERELLO

SEMIN. ROMANI CONVIC.

IPSO PENTECOSTES DIE.



ROMÆ, Typis Iacobi Maseardi, MDCXX.

SVPERIORVM PERMISSV.

DE SPIRITVS  
ADVENTVS  
ORATIO

HABITA IN BASILICA S. PETRI

AD S. MARTINUM. D. M.


P. A. V. L. V. M. V.

PONT. MAX.

A. DOMED. MONTEFELTRI

SEMIN. ROMANI CONVIC.

1750 PONTIFICATVS DNI




LIBR. MUSEI HIST. NAT. ROM. 1750  
BIBLIOTHECA MUSEI HIST. NAT. ROM.

ILLVSTRISS. PRINCIPI

SCIPIONI

CARD. BVRGHESIO.

DIOMEDES MONTESPERELLVS F.

 AGIT hoc etiam  
in magnitudo tuarum  
Princeps Illustrissi-  
me, ut tibi non  
magna modo, sed  
exigua etiam ab  
omnibus deferantur: habes enim  
præcipuum illud ac singulare,  
ut quando infima æquè ac ma-  
xima tuæ commissa sunt curæ;  
tuæ quoque clientelæ æquè maxi-  
ma committantur atque infima.  
Quamquam communem causam  
ipse coniunctam habeo  
peculiarem; cum mihi integrum,

DE

A

2

iam

4  
iam non sit, aliud rebus meis patro-  
cinium quærere, quam quod vel  
meorum mihi fortuna obtulit, vel  
facilitas tua; ab eo quippe recede-  
re aliquando non potest, qui vel  
semel illud expertus sit. Patere  
igitur, vt in luce ista tua lucem  
aspiciat mea hæc S. Spiritus lau-  
datio, quæ alioquin præter argu-  
mentum, quod Diuino ab igne  
splendidum est; ac tuum istud no-  
men illustrissimum, quod in fron-  
te gerit; nihil habet, quod possit lu-  
cem aliquam promereri. Vale.



DE S. SPIRITVS  
ADVENTV.  
ORATIO.



POSTOLICI natalem  
Regni hodierna re-  
colimus luce, Beatissime Pa-  
ter, qua diuinus ille Spiri-  
tus cælo delapsus, nouo  
terræ illuxit igne, & re-  
pentino fragore inter ful-  
gura minabundus, super Apostolorum capita  
suauissimè conquieuit. qui enim noua facit  
omnia Deus, felici hodie fecit incendio cælum  
nouum, & terram nouam, eosdem dum fe-  
cit Reges, quos iam fecerat Sacerdotes. quod  
quia triplici perfectum est signo, par est, ut per  
hæc tria mea omnis excurrat Oratio.

*Apo. 11.*

*Apo. 5.*

Et illapsu quidem superni ignis innoxio re-  
gnum portendi, credula sibi olim persuasit  
Antiquitas: quid ni mihi religiosius multo ac  
verius liceat affirmare, quotquot cælesti hoc  
igne innocenter conflagrarunt, totidem esse

*Liu.  
D. 1. 1. 1.*

A 3 Reges

Reges inauguratos: cum id ipsum multo ante  
 præuiderint Vates oculatissimi, quorum alter  
*Pf. 44.* Principes super omnem terram constituendos  
*Isa. 49.* prædixerat; alter lactentis Ecclesiæ nutricios  
 fore prædicauerat Reges: vt quod Romano de  
*Cyneas.* Senatu admirabundus ille iactabat, tot sibi re-  
 ges videri, quot in eo videret Senatores; pos-  
 sim ego in rem præsentem commodius vsur-  
 pare, fuisse omnes planè Reges, qui in eo fue-  
 re cœtu Apostolorum; cuius rei vt mihi argu-  
 menta desint cetera, quæ suppetunt sane plu-  
 rima, vel illud admonet me, Reges fuisse pri-  
 mos illos Christianæ Reipublicæ Conditores,  
 quod eorum etiam in purpura regnare videa-  
 mus hæredes. Neque verò defuit illis ad abso-  
 lutam regni inaugurationem vel inunctio sa-  
 cra, quam abundè præstitit ille, cuius ipsum est  
*Cant. 1.* nomen Oleum effusum; vel impositum capiti-  
 bus diadema, quod egregiè diuinus Artifex  
 igneis finxit è linguis, aureis velut radijs in-  
 coronæ speciem circumfusus; vel coccinea Chla-  
 mys aut Trabea, quæ illis purpurei de splendore  
 ignis lucem purpuræ traxit illustrius; vel exhi-  
 bitus regij honoris cultus, quorum ad pedes  
 affusæ suppliciter gentes procumbebant; vel de-  
 ductiones honorariæ, quos sequuta illo eodem  
*Act. 1.* die plura hominum millia accepimus; non  
 deni-

denique ad augendam celebritatem festus de-  
 fuit tubarum clangor, quibus ipsum lato mur-  
 mure insonuit cælum; nec data populo defue-  
 re, congiaria, cum effusa liberalissimè dona-  
 sunt argento potiora atque auro, hoc est dona *Aff. 3.*  
 humano sine pretio pretiosa. Immo sanè non  
 dubitauerim, quin Sanctissimis illis Proceri-  
 bus perspectus abunde fuerit huiusmodi Prin-  
 cipatus, cum eos videam, qui paullo ante timidi  
 ac meticulosi domesticis sese tenebris occulta-  
 uerant, ubi primum hoc exarsere igne, ilicet  
 audentiores factos, publicam venisse in lu-  
 cem, & palam se gessisse pro Regibus. Quid  
 enim faciunt aliud, quam regem agere, dum  
 accepto in homines imperio, hominibus re- *Aff. 5.*  
 nuunt obedire; dum terrarum inter se orbem  
 diuidunt, & provincias quibus cum vtilitate,  
 præsent fortiantur; dum publicè priuatimque  
 leges, & iura dicunt vniuersis; vno verbo dum  
 commissa diuinitus ligandi soluendiq. potesta- *Matt. 16.*  
 te longe amplissima, quæ ultra terrarum ter-  
 minos ad cælum vsque protenditur, non mo-  
 do in omnes liberè dominantur, sed nouo mo-  
 re, in ipsos etiam habent imperium Reges?  
 Decebat videlicet, eos qui nexu mirabili Re-  
 gum coniunxerant Sacerdotio, hoc est cæle-  
 stis ignis artificio dissita ac disiuncta sociaue-  
 rant,



rant, tanto ceteris esse Regibus excellentiores, quanto humanis Diuina præstant, quanto prima inter corpora antecellir ignis.

Sed non tantum in igne Dominus, quo Reges demonstrauit Apostolos: in linguis etiam, & sono, quo demonstrauit & Sacerdotes. An non enim Sonus illis conuenit Spiritus uehementis, quorum in omnes terras exire debebat sonus; an non linguarum multiplicitas, quorum vel in finibus orbis terræ exaudiri verba debebant? Non sine fragore ac sonitu fulmina cadunt: nec poterat sonoro sine tonitru fulmen illud inaudita eloquentiæ Apostolis dari, quo & altiora deprimerent, & dura contererent, & frangerent obstinata. Victimarum olim lingua præconibus tribuebatur, qui lingua fauere populum iuberent in sacris; an non par erat, ut linguæ diuinitus Apostolis tribuerentur, qui veræ Religionis futuri præcones, obstrepenti erant superstitioni silentium imposituri? Quod si fuisse Reges accepimus, qui populorum quibus imperarent complurium linguis loquerentur; decuit gentium omnium linguis illos loqui, qui omnes essent gentes salutari sapientia erudituri. Ut mirari iam desinam, cur Sanctissimi illi antiquæ Religionis Duces ac Vates, cum Deum in igne con-

spe-

*Pf. 18.*

*Callistr.*

*Iustin. de  
Mithr.*

*Exod. 4.*



spexissent, impeditioris facti sint linguæ & in-  
 ceperint balbutire; cum tamen Apostoli viso  
 hodie in igne Deo, ex elinguibus ac pene mu-  
 tis, linguis subito omnibus eloquantur: Nimi-  
 rum paucis illi erant sacra euulgaturi arcana,  
 quæ euulgaturi erant Apostoli vniuersis: illi  
 diuina poterant difficile loqui, qui non dum lo-  
 qui dedidicissent humana; at Apostoli, qui non  
 tam Pythagorica quam Christiana è disciplina  
 diu antea tacuerant, vt humana dediscerent,  
 diuina eloqui facile atque expedire potuerunt.  
 Tandem si in extruenda superba illa Babylonis *Gen. 11.*  
 mole, linguarum ex vna in plures factum di-  
 uortium viam ad impietatem omnem, & cor-  
 ruptelam aperuit; eadem planè debebant ho-  
 mines via, hoc est linguarum multiplicitate,  
 ad integritatem redire morum, & sanctimo-  
 niæ, vt fieret è multis cor vnum & anima vna, *Act. 4.*  
 quæ vna in posterum lingua loqueretur. Quod  
 qui negligunt, & conatu impio plura in mem-  
 bra discerpunt vnum Ecclesiæ corpus, quod  
 vno vitæ Spiritu animatur; faciunt profecto  
 quantum in ipsis est, vt diuisum in se regnum  
 diu incolume stare non possit: sed diuino be-  
 neficio nihil efficiunt; fundatum enim Petri  
 Regnum supra firmam Petram nullo vnquam *Matt. 16.*  
 est labefactandum impulsu, sed æternum sta-  
 bit

*Heb. 12.* bit immobile, eritque Supremum eiusdem Sa-  
*Hebr. 7.* cerdotium sempiternum. Quod ut certum ar-  
*Luc. 1.* que indubitatum sit, quia promissit qui men-  
 tiri non potest Deus; datum est etiam hodie  
 pignus certissimum, dum visus est immortalis  
 hic Ignis ad stabilitatem Apostolis insidere;  
*Exo. 19.* quod ex igne custos Sacerdotalis imperij flam-  
 ma perpetuo vigilabit. Dixi.

*Flor. in*  
*Numa.*

